

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第四七冊

地方志人物傳記資料叢刊

國

家

圖

書

館

編

北京圖書館出版社

第四十七冊目錄

(道光)浮梁縣志

人物賢良.....	一
漢	
唐	
宋.....	五
元.....	五三
明.....	五四
國朝.....	一〇二
人物忠節.....	一二九
宋	
明.....	一四〇
人物儒林.....	一四六
宋	
元.....	一四九
明.....	一五二
國朝.....	一五九
人物孝友.....	一七二
宋	

元.....	一七四
明	
國朝.....	一八一
人物篤行.....	二〇三
宋	
明.....	二〇五
國朝	
人物高士.....	二三五
宋	
元	
明.....	二三六
國朝.....	二三八
人物文苑.....	二四〇
宋	
元	
明	
國朝.....	二四二
人物義行.....	二五一
明	
國朝.....	二五七
人物耆德.....	二八八
明	

國朝.....二九一
人物方技.....三一五

宋

元

明

國朝

人物寓賢.....三二二

晉

唐

宋

明.....三二六

(同治)萍鄉縣志

列傳上.....三三一

名宦.....三三二

寓賢.....三五四

名臣.....三五八

宦業.....三五九

理學.....三八〇

儒林.....三八二

孝友.....三九一

文苑.....四〇八

忠義.....四一八

善士.....四三七

隱逸.....四六五

方技.....四七〇

方外.....四七一

(同治)德安縣志

人物志.....四八三

名臣.....四八三

宦業.....四九二

理學.....四九九

儒林.....五〇三

文苑.....五二五

忠義.....五三七

孝友.....五五五

善士.....五六九

隱逸.....五八七

方技.....五九一

寓賢.....五九三

浮梁縣志卷十三

人物 賢良

賢良

〔漢〕

吳芮秦時番陽令也甚得江湖間民心號曰番君天下之初叛秦也黥布歸芮芮妻之因率越人舉兵以應諸侯沛公攻南陽廼遇芮之將梅鋗與偕攻析酈降之及項羽相王以芮率百越佐諸侯從入關故立芮爲衡山王都邾其將梅鋗功多封十萬戶爲列侯項籍死上以鋗有功從入武關故德芮徙爲長沙王都臨湘一年薨諡曰文王子成王臣嗣薨子哀王回嗣薨子共王右嗣薨子靖王羗嗣孝文後七年薨無子國除初文王芮高

祖賢之制詔御史長沙王忠其定著令至孝惠高后時封芮庶
子二人爲列侯傳國數世絕

前漢書

按一統志豫章書饒州志皆以芮爲鄱陽人通志從之餘干
志又言習泰鄉五彩山人注肩吾昌江風土記則云芮與其
將梅銷皆生於東北鄉如太平寰宇記浮梁縣東北六十里
有吳芮舊居輿地紀勝芮宅有馬跡有龍泉梅銷宅亦在其
處皆其據也故今依周志定芮爲浮梁人

唐

薛仲佐字光輔新平鎮珠山人唐憲宗元和間成進士生平勤
慎居官著績效初爲朝邑尉任事遂以風裁自勵入朝道遇成
德兵馬時成德一軍尤不奉命凡朝臣有由其境者資裝輒被

攘奪比阻仲佐按劍叱之其將士乃脅之至鎮見主將仲佐入從容長揖辨折之乃放仲佐入關除山東南經畧判官當時有偃武之議會擢仲佐爲兵部員外郎卽疏言武備不可太弛文職不可驟致與在廷不合然凡有關於軍國事者必力言之乃左遷武昌節度府判官寶厯間以忤鎮將李祐劾奏之謫隴右權稅司尋以子宁州舉試禮部通顯仲佐決意歸里姪展舉制科第一展字丹屏官至御史裏行

甯賡常尙都人乾符間黃巢寇江南賡與弟衮集義旅保歙饒二州以功授御史大夫衮中領軍

曾輿字元任新平楓林人唐大中進士授雍邱簿勤敏有心計居官有聲度支尙書趙瓚舉爲分司時瓚奏行除陌錢間架法

與奏記於瓚曰國之所恃者民民之所恃者食與貨近自用兵以來民困已極壞口分世業之法爲兼併壞租庸調之法爲兩稅至於鹽鐵鼓鑄權利括苗助商獻助舉祖宗愛養斯民之意盡廢無餘矣今復算及屋椽貿易民何以堪瓚不納輿遂解職歸躬耕於南溪

見昌南
歷記

按舊志據唐書食貨志趙贊請稅間架在德宗建中曾輿大中進士則宣宗也以贊訛瓚以大中無稅間架事細玩奏記稱壞口分壞租庸舉祖宗云今復等語是稅陌等爲已行舊事瓚欲效尤趙瓚另自一人非贊明矣至大中時史無除陌事或奏而未行史竝不載而曾輿忠義奮發遂奏記於瓚并辭職而去傳文原自明白似不必以贊爲瓚將其人其文棄

之也 後志

宋

金鼎臣字希尹槐里人早擅文譽弟汝臣字致均與兄齊名景德天聖間相繼登進士鼎臣歷任中外每以文章爲已任終昭信節度掌書記汝臣終太常博士

臧幾道字公恕弟論道字公弼竝有文名天聖景祐間相繼登進士兼以功業自奮幾道終陳畱尉論道終職方郎中

金君卿字正叔淹貫百家下筆頃刻千言文聲甚著景祐中范仲淹守饒州延爲師登慶歷壬午進士歷官秘書丞知臨川權江西提刑入爲度支郎中擅能名嘗著易說有文集十五卷

王仲舒字茂先慶歷壬午進士歷祁門主簿越州推官池州軍

判攝彭澤縣移宿州推官攝符離縣處煩治劇有能名用刑矜恤多所雪活以包拯薦遷昭義節度推官再遷太子中允賜五品服以疾辭熙寧歲饑勸分給食民有不之有司而之仲舒者累贈朝奉大夫著有野人集

程節字信叔鎮市都人性英敏博學多才能以將略自負嘉祐五年就試入都路經亳州柳林見飛塵遙起俄十數騎控弦疾至節勒馬貫弓發矢交鏃而落前騎遽問爲何人節曰往東京應進士舉者其人麾徒卻走回顧咄咄稱奇士明年捷禮部第三登進士除隴右招討使推官嘗領精騎入敵境數百里察地形虛實爲用兵制敵之備陳於帥府帥深加采納轉唐鄧經略使司司馬入奏機宜在廷稱其才智擢荆湖轉運副使節歷贊

帥闔所至推重熙寧時朝廷有事南方

舊志作熙寧昌南記作元豐據宋史當從舊志

節曰示以威不若懷之以德乃單騎銜命撫諭諸蠻各部款服

上語苗時中曰程節真奇才也

昌南記作侍御史苗時中按宋史列傳時中未爲侍御史大

抵敘諭蠻事昌南記多誇而誣今定從舊志

遷廣南西路轉運使帥桂府久之恩信大

著甚得蠻情召還除樞密院副使後帥往旋復蠢動紹聖中詔

節以安撫使再赴粵

據閔敘鶴瞿粵述稱宋紹聖安撫使程節

南中復定雖交趾亦

曰天子使老臣撫我邊鄙我小國豈敢自干天討貢獻不絕節

始鎮粵嘗登逍遙樓慷慨賦詩載藝文志後

昌南記作顏魯公逍遙樓按即桂

林府城東北樓也宋之間先有詩後魯公爲題額耳記似欠核

及是改樓曰湘南

此語亦出粵述尋加

中書侍郎晉階右僕射

昌南記如此亦與元豐後新階不合

上表乞休賜還加寶

文閣待制賜紫金魚袋封開國侯初節在桂府有將閭豸甚忠

勇積勞至騎車校尉將還呼豸問曰吾觀汝先後殊爲宣力今汝亦欲歸朝否何汝爲吾立效之多也豸曰公忘亳州柳林之遇乎三十年前已心憎元帥矣乃悟奏爲樞密府指揮使節著有竹溪集子鄰字欽之簡厚恢宏所業淵洽以行藝列上舍生國子祭酒豐稷異其才謂此子如太阿出匣光苾四映元祐辛未釋褐於馬涓榜再與館選除校書郎紹聖間因言時政獲罪李清臣謫監虔州稅召授秘書省右丞調博士轉右正言鄰論事號切直議兵尤中要領中書侍郎許將每從同列稱鄰堪邊方之選徽宗立陳初政四事一曰勤御經筵以啓聖明之治二曰敷求賢能以收忠良之效三曰廣闢言路以采是非之公四曰務審民情以循好惡之孚上嘉納之節之去桂也蠻日久反

側廷議以鄰夙帥子且才可任遂以翰林承制爲廣西安撫使

知融州

昌南記作政和元年又云尙書張商英亦謂程鄰可任皆非也據宋史蠻夷傳大觀二年鄰已知融州不待

政和始出鄰之出當在崇寧大觀之交時商英不在尙書記繫之政和元年故傳會此語耳當是時王祖道龐

恭孫等開邊耗內鑿空爲功鄰陛辭奏曰臣書生筮仕今奉詔

方陞乞任臣以撫軍安民臣誓師有時望勿卽責以邊功著效

上許之

按宋史王祖道傳謂祖道鑿空超取顯美是後龐恭孫張莊趙適程鄰皆以擴地受上賞大抵規模祖道云

云今觀昌南記所載鄰比至粵指畫從容見者以爲不亞阿父

陛辭數語愈於諸人遠矣經營八閱月帖服如初大觀二年蠻酋蒙光有旣爲黃忱等所

敗因以三州一鎮戶口六萬一千來上詔鄰往黔南路撫諭官

吏推恩有差

諭黔南事昌南記不載今據宋史蠻夷傳補入

鄰在軍府詰武尤嚴嘗曰

馬可經年不陣不可一日不馳兵可經年不戰不可一日不勵

交人與粵民互市有常例輸軍民鄰曰我重臣督師在外奈何
利夷貨乎禁卻之在鎮幾十年請代不允進徽猷閣待制階銀

青光祿大夫

訂昌南記

程筠字德林節第也弱冠舉於鄉明年嘉祐丁酉試禮部方時
文磔裂詭異之弊勝歐陽修知貢舉痛抑新體讀筠卷喜曰正
人直道溢於其言登進士除江都令當嘉祐五年

昌南記作五年與綱目合

據宋史王安石傳乃嘉祐三年

王安石爲度支判官上萬年書論國政筠讀之

而謂不然或問之筠曰彼謂法先王之政法其意此欲以其學
術傳會古人以文其說夫先王之政行之百世而無弊卽時有
損益而先王之心示之百世而可見豈有別行一法而曰先王
之意在是乎尋以事忤上官貶如皋尉閱五年復起爲令

昌南記作

陳畱知縣按此當是治平間而熙寧時陳畱自有抗新法之知縣姜潛筠果厯治平熙寧元豐元祐皆在陳畱則中間置畱何地耶今定從舊志不繫縣名爲是 厯熙寧元豐時久苦新法筠條其不便移書

諫臣蹇昌言轉達進奏院上之

昌南記作熙寧二年按新法雖行於熙寧二年而筠疏自在元

豐蘇軾詩云君爲縣令元豐中又云移書諫臣以自通是也今定從蘇詩

昌言因言筠職親民周知

下恟披衷瀝懔獻替無由臣不敢避斧鑕之誅謹代奏芻蕘之

論神宗見疏改容其同年友蘇軾聞之曰疏遠不忘納忠君子

人也

昌南記此下有賦詩貽之句按蘇軾年譜詩乃元祐七年作以送筠赴真州故曰白沙何必煩此翁白沙真州也唐

爲白沙鎮且其時筠子所已舉制策亦見蘇詩註考宋自熙寧七年罷制科至元祐元年始復所之對策定在復制科時也

調知陳畱陳畱畿縣筠均田賦平徭役不避權勢戚里訴之宣

仁太后曰筠廉吏吾何撓其政耶元祐末知真州蘇軾美之以

詩載藝文志後

昌南記不載筠知真州按筠知陳畱陳畱近志闕今儀真卽真州志有筠宦蹟傳且蘇詩甚明

故定從舊志擢戶部郎中與制置司議不合遷御史未一年疏數十

上政府議出之遂轉京東路按察使會哲宗宴諸臣於邇英閣

詔筠前諭曰知卿才行俱優故特委卿持憲畿輔也子祈蘇軾詩注

作字彥忠登元豐壬戌進士以食祿家故覆試合格元祐初復

舉制策文學行義為時所稱昌南記云兼應宏詞科考宋宏詞

者據記哲宗初祈已為禮部翰林矣授國子監博士歷官禮部

安得尚應詞科乎今定從蘇詩注員外郎紹聖時昌南記作哲宗初據宋史葉祖洽擢翰林承旨

葉祖洽在中書每觀所論大政輒撫几曰不惟辭有體要而忠

盡見於聲情真仁義之言先是熙豐小人既斥元祐廷臣畏其

蜚語有調停之說祈力議其非進陳學術之邪正天下自有去

從何得是非錯謬以致理道乖離兩宮深然之訂昌南記

甯洵字文仲長山都人父錫字祐甫性高尙嘗構愛山樓命其
壻彭汝礪記之者也洵師桐廬倪天隱力學敦節行勇於任事
師以見義必爲稱之嘉祐癸卯與天隱同登進士除海州判官
爲祥符丞兼監在京酒稅抑制豪橫以能著轉靖安軍節度推
官徙淮南推官熙寧七年淮南旱昌南記作甲寅按甲寅乃熙
寧七年淮南之旱見宋史五
行志第彭汝礪愛山樓記作於元豐二年正月稱洵靖安
軍節度推官豈時洵由淮南罷歸汝礪特書其前官耶
洵請
賑民饑帥謂軍資不許洵以泰州倉儲散之海濱鹽竈戶聚黨
掠奪與良民相格殺洵請檄輯亂帥謂非兵不可洵爭不得帥
遣將行洵馳止匹馬往諭其黨獻首亂數人戮之而亂定帥惡
之將奏言洵以贊幕屬僚居然節制洵知之諷曰朝廷任公以
旄鉞非徒擁地示威亦當奉宣德意况欲弭大患可不慎於事